

ხელშეკრულება მომსახურების სახელმწიფო შესყიდვების შესახებ №1101/10/075

10 ოქტომბერი 2011 წ.

ჩვენ ქვემოთ ხელმომწერი, ერთის მხრივ: ქ. თბილისის დიდგორის რაიონის გამგეობა, მდებარე: ქ. თბილისი, წყნეთი, დ. ამილახვარის ქ. №27ა, გამგებელის – გიორგი ნიკოლაძის სახით, შემდგომში წოდებული „შემსყიდველი“ და მეორეს მხრივ: ი/მეწარმე „მარიანა ოკლეი წყნეთი-ტვ“ ს/კ 1008001214 მდებარე: წყნეთი, რუსთაველის ქ. №3, მისი ხელმძღვანელის მარიანა ოკლეის სახით შემდგომში წოდებული „მიმწოდებელი“, ვდებთ წინამდებარე ხელშეკრულებას შემდეგზე:

1. ხელშეკრულების საგანი

ხელშეკრულების საგანია: დიდგორის რაიონის გამგეობის შენობაში საკაბელო ტელევიზიის მომსახურების (სერვისი) სახელმწიფო შესყიდვის განხორციელება გამარტივებული შესყიდვების საშუალებით ხელშეკრულებით განსაზღვრული პირობების საფუძველზე.

2. ხელშეკრულების ობიექტი

„მიმწოდებელი“ ვალდებულია: განახორციელოს დიდგორის რაიონის გამგეობის შენობაში საკაბელო ტელევიზიის (სერვისი) მომსახურება „შემსყიდველს“ ხელშეკრულებით გათვალისწინებულ ვადებში.

3. შესყიდვის ობიექტის მიწოდების ვადები და ადგილი

- 3.1. მომსახურების მიწოდების თარიღად ითვლება: 2011 წლის 10 ოქტომბრიდან 31 დეკემბრამდე.
- 3.2. მომსახურების მიწოდების ადგილი: ქ. თბილისი, წყნეთი, დ. ამილახვარის ქ. №27ა.

4. შესყიდვის ობიექტის მიღება-ჩაბარების წესი

- 4.1. შესყიდვის ობიექტი, ჩაითვლება მიღებულად მიღება-ჩაბარების აქტის წარმოდგენის შემდეგ.
- 4.2. შესყიდვის ობიექტის მიღების დროს და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს „მიმწოდებელი“.

5. მხარეთა უფლება-მოვალეობანი

- 5.1. „შემსყიდველი“ ვალდებულია:
 - გადაუხადოს „მიმწოდებელს“ შეთანხმებული ფასი;
 - მიიღოს გაწეული მომსახურება.
- 5.2. „შემსყიდველს“ უფლება აქვს:
 - გაუუქმოს „მიმწოდებელს“ გაწეული მომსახურება, თუ მისი ხარისხი არ შეესაბამება სტანდარტებს.
- 5.4. „მიმწოდებელს“ უფლება აქვს:
 - მოსთხოვოს „შემსყიდველს“ ხელშეკრულებით შეთანხმებული ფასი.

6. ხელშეკრულების საერთო ღირებულება

- 6.1 ხელშეკრულების საერთო ღირებულება შეადგენს 150.0 (ასორმოცდაათი) ლარს. (10 წერტილი, 1 წერტილის ფასი 5 ლარი) (ფასდათმობების, გადასახადების, ტრანსპორტირების, და სხვა ფაქტორების გათვალისწინებით)
- 6.2 დაფინანსება განხორციელდება მუხლიდან: „ოფისის ხარჯები“ .

7. ფასები

7.1. ცვლილებები შეიძლება განხორციელდეს მხოლოდ „საქართველოს სამოქალაქო კოდექსის“ 398-ე მუხლის თანახმად, აგრეთვე, იმ შემთხვევაში, თუ იქნება ინფლაციის მაღალი დონე, სავალუტო კურსის მნიშვნელოვანი ცვლილება, საგადასახადო რეჟიმის შეცვლა და სხვა გაუთვალისწინებელი გარემოებები.

8. ანგარიშსწორების პირობები

- 8.1. ანგარიშსწორების ფორმა იქნება: გადარიცხვა;
- 8.2. ანგარიშსწორების ვადა (გრაფიკი): მომსახურების გაწევის შემდეგ, 10 კალენდარულ დღეში მხარეთა მიერ მიღება-ჩაბარების აქტის გაფორმებისთანავე.
- 8.3. ანგარიშსწორების განხორციელებისათვის მიმწოდებელმა უნდა წარმოადგინოს, შემდეგი საბუთები: მიღება-ჩაბარების აქტი.

9. მხარეთა პასუხისმგებლობა ხელშეკრულების პირობების დარღვევისას

- 9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად;
- 9.2. „შემსყიდველი“ უფლებამოსილია ხელშეკრულებით ნაკისრი ვალდებულებების შესრულების ვადების გადაცდენის შემთხვევაში დააკისროს „მიმწოდებელს“ საურავი ყოველ ვადაგადაცილებულ დღეზე დროულად შესასრულებელი მომსახურების ღირებულების 0,1 პროცენტის ოდენობით;
- 9.3. გადახდის ვადის გადაცილების შემთხვევაში „მიმწოდებელი“ უფლებამოსილია დააკისროს „შემსყიდველს“ პირგასამტეხლო ყოველ ვადაგადაცილებულ დღეზე გადაუხდელი თანხის 0,1 პროცენტის ოდენობით;
- 9.4. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება 2 თვეზე მეტ ხანს მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის გარეშე.

10. ფორს-მაჟორული სიტუაციები

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. ხელშეკრულების ინსპექტირების პირობები

- 11. ხელშეკრულებით ნაკისრი ვალდებულებების შესრულების კონტროლს „შემსყიდველის“ მხრიდან განხორციელდეს აპარატის უფროსი შორენა ლომაია და ინსპექტირების ჯგუფი.
- 11.2 ინსპექტირების ჯგუფის მოვალეობაა: მომსახურების მიწოდების, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლი, ზედამხედველობის განხორციელება და მიღება-ჩაბარების აქტის გაფორმება.
- 11.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით;

11.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

12. ღირებულება და მათი გადაწყვეტის წესი

- 12.1. მხარეთა შორის წარმოქმნილი ყველა ღირებულება გადაწყდება ერთობლივი მოლაპარაკების საფუძველზე.
- 12.2. თუ მხარეებს შორის შეთანხმება ვერ მოხერხდა, ღირებულება სასამართლოს წესით.

13. ხელშეკრულების მოქმედების ვადა

ამ ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და ქალაშია 2011 წლის 31 დეკემბრამდე.


14. სხვა პირობები

- 14.1. ხელშეკრულების ნებისმიერი ცვლილება ან დამატება ქალაშია მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ.
- 14.2. ხელშეკრულებით დაფიქსირებული ფასის ყოველი შეცვლა მხარეების მიერ ფორმდება დოკუმენტურად.
- 14.3. შესყიდვის ობიექტის მიღება ფორმდება მიღება-ჩაბარების აქტით, ხელშეკრულების მხარეების უფლებამოსილი წარმომადგენლების ხელმოწერით.

15. მხარეთა იურიდიული მისამართები და რეკვიზიტები

„შემსყიდველი“:

ქ. თბილისის დიდგორის რაიონის გამგეობა,
 ს/კ 204521954
 მდებარე: ქ. თბილისი, წყნეთი,
 დ. ამილახვარის ქ. №27ა;
 ს/ს „ლიბერთი ბანკი“
 ცენტრალური ფილიალი
 ა/ა №GE95LEB0125452101627000;
 ბ/კ 220101480;



„მიმწოდებელი“:

ინდ. მეწარმე „მარიანა ოკლეი წყნეთი-ტვ“
 ს/კ 1008001214
 მდებარე: ქ. თბილისი, რუსთაველის ქ. №3
 ს/ს „ბანკი რესპუბლიკა“-ს
 ც/ფ ა/ა 106118478860
 ბანკის კოდი 220101757

M. Okleli
 მარიანა ოკლეი